



Edith Oechslin-Decurtins, media a Cuira en ina pratica comunabla.

MAD

# Medis da chasa

Premiera da film e discussiun da podi

■ (rtr) **Radio e Televisiun Rumantscha envida a la premiera dal film «Medis da chasa».** Il film documentar accompagna dus medis da chasa rumantschs durant lur mintgadi. **Edith Oechslin-Decurtins, ina media en ina gronda pratica comunabla en la citad da Cuira e Gian Bundi, in medi en ina pratica singula en Val Lumnezia.** Medis e pazients laschan prender part l'aspectatur dal puls da la vita. La premiera cun discussiun da podi ha lieu mesemna, ils 19 d'october 2016 a las 19.30 en il Kino Apollo a Cuira. Grazia a la fidanza tar la

cinasta ch'è stada sezza 20 onns media da chasa raschunan *Edith Oechslin-Decurtins* e *Gian Bundi* a moda fitg persunala co ch'els patratgan, sentan ed agechan. Els discurren dal plaschair vi da lur professiun, da lur quitads per l'avegnir da questa professiun en spezial per il chantun Grischun. Quai en in temp nua che tut sa mida era puncto politica da sanadad. Malgrà che la professiun dal medi da chasa è actualmain en l'entira Svizra en ina crisa crain els en la medischina dal medi da chasa ed èn plain entusiassem.

Gist sunter la premiera datti ina discussiun da podi tar il tema Medis da chasa: Model da liquidaziun u model per l'avegnir? Da la discussiun prendan part: Edith Oechslin-Decurtins, presidenta da l'Uniun da medis da chasa Grischun, *Rudolph Leuthold*, manader da l'uffizi da sanadad ed *André Müller*, manader medicinic Grisomed.

**Il film da l'emissiun «Contrasts» vegn mussà sco suonda:**

**Part 1: dumengia, ils 23-10-16, 17:25 sin SRF 1**  
**Part 2: dumengia, ils 30-10-16, 17:25 sin SRF 1**